



Broj: T09 0 KT 203210 25
Sarajevo, 23.12.2025. godine

HITNO-PRITVOR

OPĆINSKI SUD U SARAJEVU
Sudiji za prethodni postupak

Na osnovu člana 45. stav 2. tačka i), i člana 241. Zakona o krivičnom postupku Federacije Bosne i Hercegovine, **p o d i ž e m:**

O P T U Ž N I C U

Protiv:

1. **BESIM ZUBAN**, rođen 1957. godine, sa prijavljenom adresom prebivališta ul., boravište na adresi, Bošnjak, državljanin BiH, VSS, penzioner, oženjen, JMB, **NEOSUĐIVAN, Rješenjem Općinskog suda u Sarajevu od dana 30.10.2025. godine produžen pritvor za još 2 (dva) meseca i može trajati do 30.12.2025. godine ili do druge odluke suda.**
2. **AMMAR ADROVIĆ**, rođen 1978. godine, sa prijavljenom adresom prebivališta ul., Bošnjak, državljanin BiH, JMB, **OSUĐIVAN: Presudom Općinskog suda, broj 41 0 K 01131510 K, pravosnažna dana 04.03.2011. godine za krivično djelo iz člana 362. stav 2. u vezi stava 1. i član 31. KZ F BiH i član 183. stav 2. u vezi stava 1. KZ F BiH na kaznu zatvora u trajanju od 1 (jedne) godine i 6 (šest) mjeseci, uvjetno 3 (tri) godine, Presudom Općinskog suda Tuzla, broj 32 0 K 200189 14 K pravosnažna dana 16.04.2015. godine za krivično djelo iz člana 183. stav 1. Kz F BiH, novčana kazna u iznosu od 500,00 KM – novčana kazna zamjenjena u kaznu zatvora od 5 dana i ista izdržana 17.07.2016. godine, Presudom Općinskog suda Tuzla, broj 32 0 K 341681 19 KPS pravosnažna dana 24.12. 2019. godine, za član 239 stav 3. KZ F BiH na kaznu zatvora u trajanju od 4 (četiri) mjeseca, uvjetno 2 (dvije) godine, Presudom Općinskog suda Tuzla, broj: 32 0 K 379892 20 KPS pravosnažna dana 23.03.2022. godine, za krivično djelo iz člana 239. stav 1. i član 238. stav 1. KZ F BiH na kaznu zatvora u trajanju od 1 (jedne) godine – kazna je izdržana 24.10.2023. godine, Presudom Općinskog suda Tuzla, broj: 32 0 K 381947 20 K od 10.02.2022. godine i Kantonalnog suda Tuzla broj: 32 0 K 381947 22 Kž, pravosnažna dana 02.03.2023. godine, za krivično djelo iz člana 73 stav 3. Zakona o oružju i municiji na novčanu kaznu u iznosu od 600,00 KM, Presudom Općinskog suda Sarajevo, broj 65 0 K 930020 22 K, pravosnažna dana 14.03.2023. godine za krivično djelo iz člana 239. stav 3 KZ F BiH i iz člana 74. stav 1. tačka a) ZONDINOM KS, na kaznu zatvora u trajanju od 1 (jedne) godine i 6 (šest) mjeseci, uvjetno 4 (četiri) godine. **Rješenjem Općinskog suda u Sarajevu broj od dana 30.10.2025. godine produžen pritvor za još 2 (dva) meseca i može trajati do 30.12.2025. godine ili do druge odluke suda.****

3. **SABAHUDIN MUHIĆ, zvani „Mrčo“ i „Mrki“**, rođen 1968. godine, sa prijavljenom adresom prebivališta u, Bošnjak, državljanin BiH, JMB, **OSUĐIVAN** za krivična djela: „Nasilničko ponašanje“ iz člana 362 KZ F BiH, na kaznu zatvora od 3 mjeseca, broj presude 32 0 K 044181 07 K, „Srečavanje službenog lica u vršenju službene radnje“ iz člana 358 KZ F BiH na kaznu zatvora od 1 (jedne) godine, broj presude 32 0 K 246101 19 K 3, „Napad na službeno lice u vršenju službene dužnosti“ iz člana 359 KZ F BiH na kaznu zatvora od 3 mjeseca, broj presude 32 0 K 300429 24 Kžž, **Rješenjem Općinskog suda u Sarajevu od dana 30.10.2025. godine produžen pritvor za još 2 (dva) meseca i može trajati do 30.12.2025. godine ili do druge odluke suda.**
4. **MENSUD HALILOVIĆ**, rođen 1968. godine, sa prijavljenom adresom prebivališta u, Bošnjak, državljanin BiH, SSS, nezaposlen, oženjen, otac dvoje djece, **OSUĐIVAN** Presudom Općinskog suda u Metkoviću broj K-182/13 pd 29.11.2013. godine za krivično djelo iz člana 274. stav 1. KZ , na kaznu zatvora u trajanju od 1 (jedne) godine, uslovno 3 (tri) godine, JMB, **Rješenjem Općinskog suda u Sarajevu od dana 30.10.2025. godine produžen pritvor za još 2 (dva) meseca i može trajati do 30.12.2025. godine ili do druge odluke suda**
5. **SEHAD ZEKOVIĆ**, rođen 1979.godine, nastanjen na adresi, po nacionalnosti Bošnjak, državljanstvo Crne Gore i BiH, završio Pravni fakultet, Oženjen, ima dvoje djece, služio vojni rok u 2003 godine, vodi se u vojnoj evidenciji, JMB, **NEOSUĐIVAN**,

Što su:

1. U vremenskom periodu od 01.07.2025. godine do 03.10.2025. godine, s ciljem da sebi ili drugom pribave protivpravnu znatnu imovinsku korist, svjesni da silom, i ozbiljnom prijetnjom pokušavaju drugoga prisiliti da šta učini na štetu svoje imovine, što su i htjeli, pa su tako, po prethodnom dogovoru, dana 01.07.2025. godine, Besim Zuban, Ammar Adrović i Sabahudin Muhić, u ulici, Opština Vogošća, presreli oštećenog A.M. i istom uputili ozbiljne prijetnje riječima: „Izranjavat ćemo te iz pištolja i zapalit ćemo ti auto“, tražeći od oštećenog da im preda novac u iznosu od 150.000,00 KM ili da prenese pravo vlasništva nad nekretninom – porodičnom kućom, na adresi u ulici, Opština Vogošća, za izmišljeni novčani dug koji navodno oštećeni A.M. ima prema Besim Zubanu, te istom dali rok od 10 dana, da bi ga potom, u navedenom vremenskom periodu u više navrata, pozivali putem telefona i to Ammar Adrović sa telefona korisničkog broja i Besim Zuban sa telefona korisničkog broja, a kojom prilikom su zahtijevali da se oštećeni sastane sa njima i donese navedeni iznos novca, te kada je A.M. to odbio, Besim Zuban, Ammar Adrović i Sabahudin Muhić međusobno dogovarali način na koji bi prisilom naveli oštećenog da potpiše Ugovor o priznavanju navodnog duga kod notara, da bi potom, dana 18.07.2025. godine, Sabahudin Muhić sa telefona korisničkog broja pozvao A.M. na njegov telefon korisničkog broja, kojom prilikom je od njega zahtijevao da ostvari kontakt sa Ammarom Adrovićem, a potom mu se obratio ozbiljnom

prijetnjom riječima: „Da izbjegnemo bilo kakav konflikt, belaj i da ne pričam šta još sve“, nakon čega je A.M. dana 20.07.2025. godine, pozvao Ammara Adrovića kojom prilikom mu je Ammar Adrović uputio ozbiljne prijetnje po život i tijelo kao i dana 01.07.2025. godine, zahtijevajući opet da oštećeni preda novac u iznosu od 150.000,00 KM što je oštećeni A.M. opet odbio, da bi potom dana 29.07.2025. godine, Sehad Zeković, uposlenik Opštine Vogošća svjestan i sa namjerom da pomaže Besim Zubanu, Ammaru Adroviću i Sabahudinu Muhiću u izvršenju krivičnog djela, a što je i htio, koristeći postupak koji se vodio pred Opštinom Vogošća, oštećenog A.M. pozvao da pristupi u službene prostorije Opštine Vogošća, radi davanja izjave, te kada je A.M. pitao da li može da dođe drugi dan, isti mu zaprijetio novčanom kaznom ukoliko se ne odazove, nakon čega je o dolasku A.M. u Opštinu Vogošća obavijestio Besim Zubana, na koji način je pomogao Besim Zubanu, Adrović Ammaru i Muhić Sabahudinu, da pokušaju presresti i prinudno odvesti oštećenog na nepoznatu lokaciju, na način da su se Besim Zuban, Ammar Adrović i Sabahudin Muhić, dok se A.M. nalazio u prostorijama Opštine, dovezli pred zgradu Opštine, putničkim motornim vozilom marke „Ford“ model „kuga“ reg oznaka „.....“, na koji način su ispred prostorija opštine čekali oštećenog A.M., dok je mladb. M.M., svjesno i sa namjerom da pomogne Besim Zubanu, Ammaru Adroviću i Sabahudinu Muhiću u izvršenju krivičnog djela, što je i htio, na način da je po uputama Besim Zubana, čekaao na sporednom izlazu iz zgrade Opštine Vogošća, sa stražnje strane, sa uputom da istom javi ukoliko A.M. napusti zgradu na tom izlazu, da bi se oštećeni A.M. znajući da ga isti čekaju, duže zadržao u pomoćnim prostorijama Opštine Vogošća, nakon čega je Besim Zuban, Ammaru Adroviću predao mobilni telefonski aparat i SIM karticu, korisničkog broja, koji je prethodno nabavio za tu namjenu, nakon čega je Ammar Adrović sa navedenog korisničkog broja nastavio pozivati A.M. upućujući mu ozbiljne prijetnje riječima: „Držim te na oku, znam gdje si, gdje ideš, znam šta radiš, Opština, sastanci, i na prozoru gore, lijepo ti stoji plavo, i išao si davati izjavu u Opštinu, hoćeš da ti kažem sad gdje si, hajde budi tu, budi mangup pa budi tu“, da bi potom Mensud Halilović sa ciljem da sebi i drugom pribavi protupravnu znatnu imovinsku korist, svjestan da upotrebom sile i ozbiljnom prijetnjom pokušava prisiliti drugoga da šta učini na štetu svoje imovine, što je i htio, od Besim Zubana, Ammar Adrovića i Sabahudina Muhića, preuzeo za sada neutvrđen iznos novca, za koji iznos novca, je učestvovao u pripremanju, planiranju i izvršenju krivičnog djela, na način da se obavezao da će pronaći oštećenog A.M. i omogućiti im presretanje i prinudno odvođenje oštećenog na nepoznatu lokaciju sa ciljem prisiljavanja istog, na davanje traženog novčanog iznosa, te je tako koristeći svoje poznanstvo sa oštećenim, u nekoliko navrata pokušavao dogovoriti susret sa A.M. a potom, i sa njegovim ocem M.A., da bi dana 16.08.2025. godine Mensud Halilović putem telefona korisničkog broja pozvao A.M., i istom uputio ozbiljne prijetnje riječima: „Ako imaš imalo pameti daćeš pare“, nakon čega je Besim Zuban putem telefona korisničkog broja pozvao M.A., oca od oštećenog, upućujući mu prijetnje da će mu svaki dan dolaziti na adresu prebivališta, sve dok A.M. ne preda novčani iznos od 150.000,00 KM, nakon čega su Besim Zuban, Adrović Ammar i Muhić Sabahudin došli na adresu oštećenog A.M. u ulicu, Opština Vogošća, u pmv marke Škoda,

model „Octavia“ reg. oznaka, na kojoj živi i mladb. dijete A.M., kojom prilikom su u više navrata obilazili oko porodične kuće, nakon čega je dana 26.08.2025. godine, Besim Zuban sa Sabahudinom Muhićem, ostvario SMS komunikaciju naglasivši da od 1. Septembra počinje škola i da će imati više šanse, da bi potom, Mensud Halilović putem telefona obavijestio Muhić Sabahudina da je angažovao za sada neidentifikovane osobe, opisujući jednu od tih osoba kao „mafijaša“, koji će po uputi Mensuda Halilovića poslati druga lica, da prinudno odvedu oštećenog A.M. na za sada neutvrđenu lokaciju, a koje prijetnje su izazvale strah kod oštećenog A.M. po vlastiti život i njegovu sigurnost kao i sigurnost članova njegove porodice.

Besim Zuban- sam

2. Dana 03.10.2025.godine u ulici, Opština Vogošća, Sarajevo u stanu koji koristi, svjestan da nabavka i držanje izrađenog ili prerađenog oružja i municije, bez odobrenja za promet oružja, građanima uopšte nije dozvoljena, što je i htio, protivno odredbi člana 7. stav 1. tačka a) Zakona o nabavljanju, držanju i nošenju oružja i municije Kantona Sarajevo (Službene novine Kantona Sarajevo br. 1/18, 13/18 i 30/19), nabavio i držao oružje i to: kratkocijevno vatreno oružje, poluautomatski pištolj marke „Crvena Zastava“ model 70, kal.7,65x17 mm, serijskog broja i prepravljeni signalni gasni poluautomatski pištolj marke „EKOL“ model Tuna izvornog kalibra 8 mm P.A.K. serijskog broja, prepravljen za ispaljivanje bojevih pištoljskih metaka kal. 6,35x16mm, a čija nabavka građanima uopšte nije dozvoljena.

Mensud Halilović sam:

3. Dana 03.10.2025.godine u Ulici, Opština Ilijaš, Sarajevo, u stanu koji koristi, svjestan da nabavka i držanje izrađenog ili prerađenog oružja i municije građanima uopšte nije dozvoljena, što je i htio, protivno odredbi člana 7. stav 1. tačka a) Zakona o nabavljanju, držanju i nošenju oružja i municije Kantona Sarajevo (Službene novine Kantona Sarajevo br. 1/18, 13/18 i 30/19), nabavio i držao i to: ručno pravljeno jednocijevno kratkocijevno vatreno oružje na preklapanje, 2(dva) metka kal.6,35x16 mm, 11(jedanaest) metaka kal.9 x 19 mm, 8 (osam) metaka kal.7,65 x 17 mm, 5 (pet) metaka kal.7,62 x 25 mm, 14 (četnaest) metaka kal.9 x 17 mm koji spadaju u bojevu pištoljsku municiju i koristi se za razne vrste pištolja i automata, potom 55 (pedesetipet) metaka kal.7,62 x 39 mm koji spadaju u vojnu bojevu puščanu municiju i koriste se za razne vrste pušaka i puškomitraljeza i 2 (dva) okvira za municiju kal. 7,62 x 39 mm, koji se koriste za automatske puško tipa kalašnjikov i puškomitraljeze M72, a čija nabavka građanima uopšte nije dozvoljena

Dakle, pod tačkom 1. Besim Zuban, Ammar Adrović, Sabahudin Muhić i Mensud Halilović sa ciljem da sebi ili drugom pribave protivpravnu znatnu imovinsku korist

BOSNA I HERCEGOVINA | FEDERACIJA BOSNE I HERCEGOVINE | KANTONALNO TUŽILAŠTVO KANTONA SARAJEVO

Adresa: Radićeva 6, 71000 Sarajevo, Centrala: 033/276-813, Pisarna: 033/276-811, Ured glavne tužiteljice: 033/276-826, Faks: 033/276-871

Elektronska pošta: kant_tuz@bih.net.ba, Web stranica: kt-sarajevo.pravosudje.ba

preko 15.000,00 KM, silom i ozbiljnom prijetnjom pokušali prisiliti drugoga da šta učini na štetu svoje imovine, a Sehad Zeković drugom sa umišljajem pomogao u izvršenju krivičnog djela, pod tačkom 2. Besim Zuban neovlašteno držao oružje i municiju čija nabavka građanima uopšte nije dozvoljena, i pod tačkom 3. Mensud Halilović neovlašteno držao oružje i municiju čija nabavka građanima uopšte nije dozvoljena,

Čime bi:

Pod tačkom 1. Besim Zuban, Ammar Adrović, Sabahudin Muhić i Mensud Halilović počinili krivično djelo iznuda iz člana 295. stav 2. u vezi stava 1. KZ FBiH, u vezi sa članom 28. i 31. istog Zakona, dok je Sehad Zeković počinio krivično djelo iznuda iz člana 295. stav 2. u vezi stava 1. KZ FBiH, u vezi sa članom 33. KZ FBiH, pod tačkom 2. Besim Zuban, počinio krivično djelo Nedoizvoljeno držanje oružja ili eksplozivnih materija iz člana 371. Stav 1. KZ FBiH, pod tačkom 3. Mensud Halilović počinio krivično djelo Nedoizvoljeno držanje oružja ili eksplozivnih materija iz člana 371. Stav 1. KZ FBiH, pa u odnosu na osumnjičene Besima Zubana I Mensuda Halilovića sve u vezi sa članom 54. Istog Zakona.

Na osnovu člana 151. stav 1. i 2. ZKP F BiH, predlažem da se prema osumnjičenima Besim Zuban, Ammar Adrović, Sabahudin Muhić i Mensud Halilović, u smislu odredbi člana 146. stav 1. tačka c) ZKP F BiH produži mjera pritvora za još 2 (dva) mjeseca poslije potvrđivanja optužnice.

KANTONALNI TUŽILAC